



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Espesyal na Isyu
Nobyembre 20, 2010
www.philippinerevolution.net

40 taon ng *Lipunan at Rebolusyong Pilipino*

Panayam ng Ang Bayan kay Kasamang Jose Maria Sison (Amado Guerrero)

May 40 taon na ang lumipas mula nang unang ilabas ng Palimbagang Sentral ng Partido Komunista ng Pilipinas (PKP) ang *Lipunan at Rebolusyong Pilipino (LRP)*. Nitong nakaraang 40 taon, ang *LRP* ang naging pangunahing sanggunian at gabay ng PKP na naglalalatag ng saligang mga prinsipyo ng dalawang yugtong rebolusyon sa Pilipinas batay sa pagsusuri ng kongkretong kundisyon ng malakolonyal at malapyudal na sistema. Bilang paggunita sa anibersar-


yo ng *LRP* at muling pagpapatibay sa mga prinsipyong inilatag nito, pinagpasyahan ng *Ang Bayan* na kapanayamin si Kasamang Jose Ma. Sison na siyang pangunahing awtor ng *LRP* bilang Amado Guerrero, Tagapangulong Tagapagtatag ng PKP.

1 *Maaari mo bang ibahagi sa ating mga mambabasa ang ilang tampok na pangyayari sa kasaysayan kaugnay ng LRP? Kailan ito sinimulang isulat? Sinu-sino ang mga sangkot sa pananaliksik at pagsusulat? Kailan ito unang lumabas at sa anong anyo? Sa pagkakaalam mo, ilang beses na ito nai-limbag?*

Jose Maria Sison (JMS): Isinulat ko ito noong panahong kalulunsad pa lamang ng digmang bayan at noong bisperas ng First Quarter Storm of 1970. Sinimulan ko itong isulat at tinapos ko noong ikatlong kwarto ng

1969. Ilang kasama sa KT/KS tulad nina Charlie del Rosario at Monico Atienza ang nagdala sa akin ng mga hiniling kong sanggunian. Nang maisulat ko na ang borador noong Agosto 1969 ay ipinabasa ko ito kay Julie de Lima at iba pang indibidwal at sa mga kagawad ng Komite Sentral para sa kanilang mga mungkahi at komento.


Lumabas ang *LRP* nang naka-mimeograph (unang edisyon) noong mga Oktubre 1969 at napasa ang kopya para ilathala at iserye sa Philip-



pine Collegian na may pamagat na *Philippine Crisis and Revolution* (maaari itong ituring na ikalawang edisyon). Noong 1970, inilathala ng Pulang Tala Publications ang ikatlong edisyon at ng Ta Kung Pao ng Hongkong ang ikaapat na edisyon. Ang ikalima at ikaanim na edisyon ay nasa Ingles at Pilipino na *mimeographed* ng CPP Central Publishing House noong 1971. Noong 1977 inilathala ng Katipunan ng Demokratikong Pilipino ang ikapitong edisyon sa US. Pwede itong ituring na ikaapat na edisyon kung hindi bibilangin ang mga edisyong *mimeographed*.

May lumabas pang mga edisyon matapos akong mahuli noong 1977. Isama pa iyong mga salin ng *LRP* sa Aleman at Turko at iyong komiks na edisyon.

2 Ang *LRP* ay isa sa pinakamahalagang Marxista-Leninistang teoretikal na akdang inilu-



wal ng rebolusyonaryong kilusan sa Pilipinas. Anu-ano ang mga teoretikong hamon sa pagsusulat nito? Ano sa palagay mo ang mga susing ambag ng *LRP* sa teorya ng pagrerebolusyon sa Pilipinas? Mayroon ba itong maituturing na ambag sa teorya na makabuluhan lagpas sa praktika ng rebolusyong Pilipino?

JMS: Pinakamalaking teoretikong hamon ang paglalapat ng Marxismo-Leninismo-Kaisipang Mao Zedong sa kasaysayan at sirkunstansya ng Pilipinas. Kinailangan ang kongkretong pagsusuri sa mga kongkretong kalagayan. Ang mga susing ambag ng *LRP* ay ang paglalahad ng malakolonyal at malapyudal na katangian ng lipunang Pilipino at ang katugong linya ng rebolusyong pambansa at demokratiko sa ilalim ng pamumuno ng uring manggagawa.

Kaugnay nito, inilahad ng *LRP* kung ano ang mga uring magkakaibigan (manggagawa, magsasaka, petiburgesya sa lunsod at pambansang burgesya) at mga uring kaaway (malaking kumprador at asendero) sa bagong demokratikong rebolusyon. Inilahad din ang mga pa-

ngunahing tungkulin: ang pambansang pagpapalaya at demokratikong rebolusyon. Gayundin, inilahad ng *LRP* ang mga yugto ng rebolusyong Pilipino: bagong demokrasya ng bayan at sosyalismo.

3 Bago lumabas ang *LRP*, nuna nang nailathala ang *Struggle for National Democracy* (SND) at ang dokumentong "Rectify Errors, Rebuild the Party" (RERP), kabilang sa mga naunang mayor na teoretikong sulatin ng pambansa-demokratikong kilusan sa Pilipinas. Maaari mo bang bagtasin ang kasaysayan ng pag-unlad ng teorya ng rebolusyong Pilipino hanggang sa paglalabas ng *LRP* noong 1970?

JMS: Kinailangan at mahalaga ang naunang paglabas ng *SND* at ng dokumentong *RERP*. Hinawan ng *SND* ang daan para ilantad ang mga saligang problema ng bayan at mga posibleng rebolusyonaryong kalutasan sa wikang ligal at mapanghimok. Umaayon ito sa tradisyon ng lumang demokratikong rebolusyon ng 1896 at sa bagong demokratikong rebolusyon sa pamumuno



Espesyal na Isyu Nobyembre 20, 2010

Ang *Ang Bayan* ay inilalabas sa wikang Pilipino, Bisaya, Iloko, Hiligaynon, Waray at Ingles.

Maaari itong i-download mula sa Philippine Revolution Web Central na matatagpuan sa:

www.philippinerevolution.net

Tumatanggap ang *Ang Bayan* ng mga kontribusyon sa anyo ng mga artikulo at balita. Hinihikayat din ang mga mamabasa na magpaabot ng mga puna at rekomendasyon sa ikauunlad ng ating pahayagan. Maaabot kami sa pamamagitan ng email sa:

angbayan@yahoo.com

Ang *Ang Bayan* ay inilalathala dalawang beses bawat buwan ng Komite Sentral ng Partido Komunista ng Pilipinas

ng uring manggagawa. Nakabatay ito sa mga umiiral na kalagayan at pangangailangan ng sambayanang Pilipino, laluna ng mga anakpawis.

Mapagpasya ang RERP sa pagsusuri sa karanasan ng lumang partido ng pinagsanib na Partido Komunista at Sosyalista. Nailantad ang mga kamalian at kahinaan na nagbunga ng kabiugan ng rebolusyon. Sa gayon na nailahad kung ano ang mga dapat gawin para tupdin ang mga rekisito sa ideolohiya, pulitika at organisasyon, para magbuo muli ng rebolusyonaryong partido ng proletaryado, hukbong bayan at nagkakaisang prente at para muling pausbungin at isulong ang rebolusyon hanggang tagumpay.

4 *Ano ang pinakamalaking ambag ng LRP sa takbo ng rebolusyon sa Pilipinas nitong nakaraang 40 taon? Ano ang naging papel ng LRP sa iba't ibang yugto ng pag-unlad ng rebolusyong Pilipino?*

JMS: Ibayong pinatatag ng LRP ang pangkahatang linya na naunang inilatag ng Konstitusyon ng Partido at Programa para sa Demokratikong Rebolusyong Bayan. Mula unang taon ng digmang bayan hanggang ngayon, malaki at susi ang naging papel ng LRP sa pagbibigay-liwanag sa kasaysayan, mga batayang problema at rebolusyonaryong

solusyon ng sambayanang Pilipino.

Sa bawat yugto ng rebolusyon, ganito kahalaga ang papel ng LRP. Ibayong nagbibigay-liwanag ang LRP sa tulong ng mga bagong panulat na nakabatay sa pagsulong ng rebolusyon at paglubha ng krisis ng bulok na sistema. Naging mabisang kasangkapan ng Partido ang LRP para pataasin ang kamalayan at diwang mapanlaban ng mga kasapi ng Partido at mga aktibistang masa.


5 *Sa ikaapat na edisyon ng LRP, inilakip ang "Mga Partikular na Katangian ng Ating Digmang Bayan" at "Mahihigpit Nating Tungkulin," na nagdidiin sa teoretikong kahalagahan ng mga dokumentong ito. Ano sa palagay mo ang iba pang mga teoretikong sulatin ng PKP na maituturing na may simbigat na kabuluhan sa usapin ng pagpapaunlad ng teorya ng rebolusyon sa Pilipinas?*

JMS: Sa ikaapat na edisyon (kung hindi kabilang

ang tatlong edisyong *mimeographed*), totooong nabigyang-diin ang teoretikong halaga ng dalawang dokumento na inilakip at ang mga ito naman ay ibayong nagpatibay sa LRP. Ang mga sumunod na dokumento na kasimbigat ang kabuluhan sa pagpapaunlad ng teorya ng rebolusyon sa Pilipinas ay ang Hinggil sa Moda ng Produksyon ng Pilipinas (1983), Ang Krisis at Rebolusyong Pilipino (1986), Manindigan sa Sosyalismo Laban sa Modernong Rebisyonismo (1992) at Muling Pagtibayin ang mga Saligang Prinsipyo at Iwas-to ang mga Pagkakamali (1992), ang saligang dokumento ng Ikalawang Dakilang Kilusang Pagwawasto, at mga saligang dokumento laban sa patakaran ng neoliberal na globalisasyon at iba pang opensiba ng imperyalismo.

6 *Mahigit nang 40 taon ang nakalilipas mula nang unang mailathala ang LRP. Paano mo ikukumpara ang lipunang Pilipino ngayon sa kalagayan nito noon? Sa iyong palagay, nananatili pa bang epektibong gabay ang LRP sa rebolusyong Pilipino? May nakikita ka bang pangangailangan para sa panibagong edisyon, pagbabago o suplemento sa LRP?*


JMS: Lalong lumalala at lumalim ang kabuluhan at krisis ng nananatiling malakolonyal at



malapyudal na kalagayan. Sa gayon, nananatili ang bisa ng *LRP* bilang gabay sa pambansa at demokratikong rebolusyong Pilipino. At patuloy naman ang Partido sa paglalabas ng mga bagong edisyon ng *LRP* at paglalakip dito ng mga bagong kaugnay na dokumento. Gayunman, natutukso akong gumawa ng edisyon na ang pinalawig na teksto ay sasaklaw sa nakaraang apat na dekada.

7 *Paano higit pang mapakikinabangan ang LRP sa kasalukuyang yugto ng rebolusyon, laluna sa balangkas ng panawagan ng PKP na abutin ang estratehikong pagkapatas sa loob ng limang taon? Ano sa palagay mo ang mga susiing usapin na kailangang pag-aralan ng mga rebolusyonaryong Pilipino para sa higit pang pagpapasigla ng iba't ibang larangan ng pakikibaka?*

JMS: Laging pag-balik-aralan ang *LRP* at iugnay ito sa mga kasalukuyang sirkunstansya at pangyayari. Sa gabay ng Marxismo-Leninismo-Kaisipang Mao Zedong (o Maoismo), naipaliwanag



ng *LRP* kung bakit kailangan ang digmang bayan at paano ito susulong sa ilang yugto: mula sa estratehikong depensiba tungo sa estratehikong pagkapatas at mula sa estratehikong pagkapatas hanggang estratehikong opensiba. Inilahad din ng *LRP* na dapat tupdin ang mga pampulitikang rekisito para maisulong ang digmang bayan mula sa isang yugto tungo sa susunod na yugto.

Dapat palakasin ang Partido sa ideolohiya, pulitika at organisasyon. Dapat palakasin ang hukbong bayan sa pamamagitan ng sandatahang pakikibaka, rebolusyong agraryo at pagtatayo ng baseng masa at mga organo ng pampulitikang kapangyarihan. Kailangan ang patakaran ng nagkakaisang prente na sumasaklaw sa ilang tipo ng alyansa: batayang alyansa ng uriing manggagawa at magsasaka, ang progresibong alyansa ng mga anakpawis at petiburgesyang lunsod, ang makabayang alyansa ng mga progresibong uri at pambansang burgesya at ang pansamantala at di matatag na alyansa sa mga reaksyunaryong lumalaban sa kaaway. **AB**